

NAQQIUT
(Nalinginnaasumik saqqummiussissutut aaqqissugaq)

Inatsisartut Suleriaasianni § 33 naapertorlugu matumuuna Naalakkersuisut aalajangiiffigisassatut siunnersuut tulluttoq Inatsisartunut saqqummiuppaat:

**Aningaasanik peqquserluutinik malunnarunnaarsaasарneq pinerliiniarnernillu
 aningaasalersuisarneq pinaveersimatinniarlugit iliuuserisassat pillugit inatsisip (aningaasanik
 malunnarunnaarsaanermut inatsit) Kalaallit Nunaanni atulersinnejnarneranik
 peqqusummik Namminersorlutik Oqartussat akuersinissaat pillugu Inatsisartut
 aalajangiiffigisassaattut siunnersuut**

(Aningasaqarnermut Nunamullu Namminermut Naalakkersuisoq)

Saqqummiussissut

(Aningasaqarnermut Nunamullu Namminermut Tunngassutilinnut Naalakkersuisoq)

Tunngavilersuut

Aningaasanik peqquserluutinik malunnarunnaarsaasарneq pinerliiniarnernillu aningaasalersuisarneq pinaveersimatinniarlugit iliuuserisassat pillugit inatsisit annertuut nunarsuarmioqatigiinni, tassani immikkut EU-p maleruagassai ilanngullugit maleruagassiorneqarput.

Peqqussutissatut missingiutikkut Aningaasanik peqquserluutinik malunnarunnaarsaasарneq pinerliiniarnernillu aningaasalersuisarneq pinaveersimatinniarlugit iliuuserisassat pillugit inatsisip (aningaasanik malunnarunnaarsaanermut inatsit), Kunngip peqqussutaatigut Kalaallit Nunaannut atuutsinnejaleersup peqqussutip nutarternissaa siunertaavoq. Peqqussutikkut qallunaat inatsimmut allannguutaat, aningaasanik malunnarunnaarsaanermut aalajangersakkap tallimaata malitsigisaanik aningaasanik malunnarunnaarsaanermut inatsimmi allannguummik imaqartoq Kalaallit Nunaanni atuuttussanngortinneqassaaq. Aalajangiiffigisassatut siunnersummi Kalaallit Nunaanni inatsit aningaasanik malunnarunnaarsaanermut aalajangersakkap tallimaat naapertorlugu nutarternissaata qulakkeernissaa siunertaavoq.

Tunngavigisaq

Peqqussutsikkut ilaatigut nutaamik aalajangersagaq, aningaasanik malunnarunnaarsaanermi inatsimmi § 15 a-kkut ilanngunneqarpoq. Tassuuna aalajangersakkakut suliffeqarfifit inuinnaallu, kiisalu oqartussat sullitanik ilisarisimanninnissamik periutsinik suliaqarnissamut pisussaaffimmuit ilaasut, ingerlatseqatigiffiit allallu inatsisitigut akisussaaffimmik tigummiaqartut kiisalu trustit assigisaallu inatsisitigut aaqqissuussat piginnittuii pillugit paasissutissanik naapertuutinngitsunik nalunaaruteqarnissamut pisussaaffilerneqarput. Piginnittuinnik paasissutissanik nalunaarsukkani pissutsit naapertuutinngitsunut tunngatillugu nalunaarutiginninnerit taakku aalajangersagaq naapertorlugu sapinngisamik piaernerpaamik Erhvervsstyrelsimut nassiunneqassapput.

Kapitali 10 a nutaaq trustinut assigisaannillu inatsisitigut aaqqissuussanik imaqartoq ilanngunneqarpoq. Aningaasanik malunnarunnaarsaasарneq pillugu inatsimmi malittarisassat nutaat kapitali 10 a-miittut ilaatigut isumaginnittup inuilluunniit assingusumik inisisimasut, piginnittuiit pillugit paasissutissanik suliarinninnerit atatillugu pisussaaffinnik assigiinngitsunik arlalinnik pisussaaffilerneqarput. Isumaginnittup ilaatigut piginnittuiit pillugit paasissutissat pissarsiarissavai,

paasissutissat ukiumoortumik nutartertarlugit kiisalu allannguutinik Erhvervsstyrelsimit nalunaarutiginnittarluni.

Isumaginnittooq ilaatigut piginnittuiit pillugit paasissutissanik ukiuni tallimani toqqorsimatitsinissamik pisussaaffilerneqarpoq kiisalu paasissutissat oqartussat nakkutilliinerannut upalungaarsimanerannullu pisariaqarpata, taakkunannga Kalaallit Nunaanni Aningaasanik Malunnarunnaarsaasarnermut allatseqarfimmut oqartussanulluunniit attuumassuteqartunut allanut tunniussinissamik pisussaaffilerneqarluni.

Aningaasanik malunnarunnaarsaasarneq pillugu inatsisip piginnittuiit pillugit suussusiliinera peqqussutsikkut, aamma pissutsit immikkut ittut, trustini assigisaanilluunniit inatsisitigut aaqqissuussani ilaattunngorlugit annertusarneqarpoq. Tamatuma kingorna piginnittuik assersuutigalugu tassaasinnaavoq pilersitsoq/pilersitsisut, isumaginnittooq/isumaginnittut, illersuisoq/illersuisut, immikkut iluaqtserneqartut, inuk kinaluunniit toqqaannartumik toqqaannangitsumilluunniit piginnituunikkut aqtsisoq, imaluunniit siulersuisut.

Erhvervsstyrelsi isumaginnittumik ullormut sapaatilluunniit akunnikkaartumik, pineqartup aningaasanik malunnarunnaarsaanaermi inatsimmi § 46 a-mi aalajangersagaq nutaaq naapertorlugu pisussaaffimminik naammassinnitsinnagu akiligassisinnaanermut periarfissinneqarpoq.

Aningaasanik malunnarunnaasaanaermi inatsisip § 30-ani immikkoortoq 3 nutaaq ilanngunneqarpoq, tassuuna Kalaallit Nunaanni Aningaasanik Malunnarunnaasaanaermut Allatseqarfik kiisalu oqartussaasut allat attuumassuteqartut, suliffeqarfik inuulluunniit inummik taaneqartumik ukiut tallimani kingullerni niuerakkut attaveqarsimanera pillugu paasissutissinneqarsinnaanermut periarfissinneqarput. Suliffeqarfiiit inuilluunniit aningaasanik malunnarunnaarsaanaermi inatsimmi ilaatinneqartut, oqartussaasut taaneqartut niuerermi attaveqaatit pillugit paasissutissanik pissarsiniarlutik saaffigninneranni, naapertuuttumik sukkasuumillu qisuariarsinnaanerisa qulakkeernissaa aalajangersakkap malitsigaa.

Kalaallit Nunaanni Aningaasanik Malunnarunnaasaanaermut Allatseqarfik oqartussaasullu allat attuumassuteqartut peqqussutikkut paasissutissanik inuit aamma inatsisitigut akisussaaffimmik tigummiaqartut, pigisanik aalajangersimasunik pigisallit kinaassusersisinsaannut periarfissiisunik qulakkeerneqarput. Periarfissaq taanna aningaasanik malunnarunnaarsaasarneq pillugu inatsimmi § 30 b-tut siunnersuutigineqartukkut ilanngunneqarpoq.

Naggataagut aningaasanik malunnarunnaarsaasarneq pillugu inatsisip Kalaallit Nunaanni atorneqarsinnaaffia annertusineqarpoq, ilaattigullu suliffeqarfiiit inuillu inuussutissarsiornermik ingerlataqarnerminnut atatillugu eqqumiitsulianik nuussinermi allatulluunniit akunnermi attaveqaatitigut nuussinerni 50.000 kr.-nik annertunerusuniluunniit naleqartunik paaqqutarinnittut, niueruteqartut imaluunniit attaveqaataasut ilaatinneqalersillugit annertusineqarpoq. Erhvervsstyrelsi suliffeqarfinnik inunnillu taamaattunik nakkutilliinermk ingerlatsissaaq.

Taakku saniatigut peqqussut arlalinnik imaqrarpoq, taakkunanilu arlallit teknikimut tunngasut kiisalu Kalaallit Nunaanni pissutsinut nalimmassaanerit arlallit ilaapput. Allannguutinut Kalaallillu

Nunaanni naleqqussaatinut nassuiaatit ataasiakkat pillugit peqqussut naalisagarlu innersuussutigineqarpoq.

Taamatut oqaaseqaateqarlunga siunnersuut Inatsisartunut suliassanngortippara.

Ilanngussat

1. Aningaasanik malunnarunnaarsaasarnermut pinerlunnianillu aningaasalersuinermik pinaveersimatitsinermik iliuutsit pillugit inatsisip (aningaasanik malunnarunnaarsaasarnermut inatsit) allanngortinneqarnera pillugu inatsisip Kalaallit Nunaannut atuutilersinneqarnera pillugu peqqussummut missingiut
2. Aningaasanik malunnarunnaarsaasarnermut pinerlunnianillu aningaasalersuinermik pinaveersimatitsinermik iliuutsit pillugit inatsisip (aningaasanik malunnarunnaarsaasarnermut inatsit) allanngortinneqarnera pillugu inatsisip Kalaallit Nunaannut atuutilersinneqarnera pillugu peqqussummut missingiutip naalisarnera